

靈巖山人詩集

靈巖山人詩集目錄

第十三卷 古今體詩

青瑣吟香集

著雍攝提格

車碌碌

休洗紅

讀歌曲十二首

遣興

禽言

老梟行

獨鶴行

野鷗行

春日登慈仁寺毘盧閣述懷作

雨

憶劒飛弟

晚過天寧寺作

蘄石先生贈紙詩以謝之

洗象行

蟬二首

余性愛琴某山人有舊藏古琴四其最佳者爲

趙松雪故物許自南中攜贈詩以速之

重過山人寓齋聽琴二首

王石谷蘆江獨釣圖

下直同人遊檀栢寺

贈許鍊師

屠維單閼

卮言十六首

讀諸子詩十八首

老子

關尹子

列子

莊子

管子

晏子春秋

文子

孫子

吳子

墨子

商子

鬼谷子

荀子

韓非子

呂氏春秋

黃石公素書

淮南子

揚子

暮春梁瑤峯修撰移居魏染衎衎相傳爲吳梅
村祭酒舊寓暇日同吳大鑑南過訪得詩四
律奉贈

鍾馗詩題扇二首

初秋直園水閣夜坐偶成

小師林漫興

七夕

秋日送友之江右

聖武遠揚平定回部西陲永靖大功告成恭紀

謹序

積雪寒甚夜坐三鼓

上章執徐

春朝

贈李念庵

閒憩得石軒題句

憶五畝園

靈巖山人詩集卷十三

鎮洋畢沅秋帆

一字縑蘅

青瑣吟香集

著雍攝提格

車碌碌

車碌碌千車萬車擊者轂驅之驅之母折我軸前有高岸
後深谷世間那得皆平陸嗟爾車中之人兮只要後車速
不見前車覆

休洗紅

休洗紅洗多紅自淺願歡少躊躇聽妾歌宛轉回黃轉綠
無定期日出雨落晴參差

讀歌曲十二首

揚楫過渭河清流聞過漿獎庖廚腊六鼈論饌非非凡鯨想

東閣花開未青春正望梅媒翦衣忘複穀輕薄悞多裁才

無如藥物何遠志卻名茅屢夢還屢醒自寤誤固不少

當軒一架花人被紅薔牆隔紫豚猶用招知君無好柵策

熊膽鼎中儲搏尋嘗常惟苦甬耐稻粱無處春何日方成

確對

麤砂治石屏磨魔久愁終磷客風裏望旛竿街佳旗期渾

不定

白芷鳧茈代由來葯約不真平分梅子核果爾暗懷仁人

羣鷺集長楸秋聽

聽

羽

雨

翻

宿

翻

宿

條條鳳脰銕憶昨蘭

房燭

囑

園桃忽自榴知是中心蠹

妬

空艦泊煙汀畫艘

樓

虛此渡

遵濱舉紫藻離

晉

汝搖

遙

蘋

頻

蒂

噀

出意縮雙鬢同心成

兩髻

計

零雨掩紅窻不晴

情

關隔子治任乏橐囊諒必無行李

理

山脊陵時綠維岡

網

自有茗

條

古饒無款識人道逼哥

歌

窯

謠

遣興

書則羲獻史則馬班詩則李杜文則柳韓琴則栗里畫則

輞川詞則白石賦則孟堅半畝之宮卜居廉泉

虎豹之鞞不如羊皮玉卮無當不如瓦甒西子不潔不如村姬物貴適用士忌浮詞白衣山人我所思兮

行陸以舟渡水以馬驚葛當冬賣裘當夏買櫝還珠棄璋寶瓦道真左左策乃下下前有古人後有來者

趙孟之貴何如園官晉楚之富豈多一簞棋局勝負夢境悲歡窗足容膝戶任礙冠我之懷矣千竹平安

禽言

姑惡姑惡使儂晝炊夜織尙嫌不操作行將儂有作姑時姑欲使儂知苦樂姑惡姑惡姑不惡

不如歸去山莊本在花深處去年花發別慈親今年花落

猶風塵歸去歸去歸須早堂上慈親年欲老

行不得也哥哥瑟瑟蕭蕭雨上上下下下坡馬瘦轅短君柰
何不知客囊本羞澀若待天晴時轉恐行不得

婆餅焦老年執爨不自聊勉強持噉兒兒免夜啼飢汝父
服賈出門去得錢歸來不知數爲兒娶婦作寒具

脫却破袴五袴裁已成機尙有餘布共歌使君來何暮使
君清廉晉高爵嗣者生端恣貪攫新袴持質錢破袴已脫
却朔風捲雪暗山郭

泥滑滑山口村亂木風拗折冷雨天黃昏獨行值屯厄心
喜手加額不見前年與去年萬頃平田龜兆堀

得過且過寒恃牛衣飢馬磨職炊職汲男長女大君不見

五侯家列鼎食兮重茵坐一旦值風波雲廊月榭青苔斑
家家插禾山村四月猶清和分龍雨降聲滂沱平田漠漠
簞笠多忽向吳門啼達曙人家十萬櫛比住老死何曾識
農具

提壺蘆鄰姬十五解當壚紅白花枝照座隅良辰美景隙
過駒青鬢忽忽成白鬢問君不飲胡爲乎

老梟行

東城街東東數步市人縛鷗坐鷗路頭方角銳毒眼怒睥
睨旁人屢迴顧此雖不鳴復不飛胸藏鉅弩伏暗機縱橫
斗覺風煙慘排擊惟貪血肉肥禽其翼獸其頭性猛鷲儕
貌貅天寒風緊更得意側身直上窺清秋羽族繽紛遠逃

避憑空作勢聲颼颼一朝鍛翮意氣盡有力不能脫臂鞵
無良醜類未老死束縛轉爲凡鳥羞吁嗟乎梟兮明正取
爾作羹登爾飢古典嫉惡著爲令

獨鶴行

山蒼蒼海茫茫鶴不于此棲乃獨翔南方不隨鷦鷯巢青
林不隨鸚鵡啄紅稻昂藏七尺身何處謀安飽謀安飽柰
若何深林大澤多網羅勸君振翮去仰首卽雲路仙島日
初紅雲暖三珠樹

野鷗行

寒玉一團想儀采日日尋盟向江海雨細風斜志不改春
暖偎沙嶼秋涼宿荻洲菰米菱花不待求鷺爲羣雁爲侶

見慣波瀾生機忘自容與驚飛輒避人野性本難馴安願
學池上能言禽可狎得食自呼名鳴鳴

春日登慈仁寺毘盧閣述懷作

高閣憑闌望春風冷漸除一春二月半燕子杏花初蒨北
仍爲客江南未有書何時謝簪組篷艇狎樵漁

雨

輕霏密灑豁塵襟土脈蘇回漸浸淫四面樓窓青岫合半
弓庭院綠天深殘花拌盡春光去客枕支餘夢漏沈莫怨
布衾涼似鐵書生也抱望年心

憶劒飛弟

與爾未曾違匝月今經一載臥空帷梅花關塞銷魂笛春

草池塘入夢詩落筆雲山當此日對牀風雨更何時殷勤
尙憶臨岐語莫爲離愁損鬢絲

晚過天寧寺作

偶詣高齋坐夕暉霏微空翠暗霑衣石攔池竹分行立風
舞庭花相背飛鑪篆燒殘僧未返嶼煙衝破鶴初歸欲求
幽趣何須遠但屬郊垞好息機

蘄石先生贈紙詩以謝之

白子秋練細于膚玉版何期有惠吾敢謂萬言需起草正
思五嶽試爲圖除君文字將焉托似此人情尙勝無連夜
石堂常握筆苦吟銷卻睡工夫

題封一束敢言輕不節曾嗤逸少名正反於人宜檢點短

長任我自裁成製爲小帳回春暖黏作橫窗奪雪明蕉葉
從今遂生意闌前畱得弄秋聲

洗象行

恢台初庚日卓午宣武門西列旗鼓士民奔走官校呼迎
象出門洗城湖象奴含笑前頭走今日雌雄合配偶喧囂
塵土聲如雷填街塞路何崔嵬揚旗擊鼓鼓愈急河翻水
沸象倒立浮波逐浪動如山跋浪衝波勢泊天忽憶昆陽
城殷殷聞雷霆王郎驅車闕吳漢天地慘慘日色變又思
涿鹿戰風雲出奇幻蚩尤塵兵日色昏天跳地蹕顛乾坤
從來以德不以力象戰窮兵亦何益是時隆暑正赫曦彤
雲倏布熹陽微涼颺習習細雨飛俄頃浴罷象自起垂鼻

輪囷意似喜十二年中各生子城邊旗鼓漸迴翔迎象入
門歸象房行人回首看城水動蕩餘波猶未已

蟬二首

薄物爾無情居然應候鳴疎槐一樹碧水閣四圍清高唱
哽還歇殘聲曳又生不知何所感聽客轉心驚
清絕居高地如何苦不平煩襟風裏散涼意葉邊生山谷
鳴逾靜雲林畫不成五更疎斷處相對各無聲

余性愛琴某山人有舊藏古琴四其最佳者爲趙
松雪故物許自南中攜贈詩以速之

古音不作古器亡寶琴百衲無輝光江關老屋風雨夕七
條瘳玉淪微茫山人家住橫雲麓一生消盡清閒福明徵

妙手發奇聲成連海上傳仙曲別鶴離鷗調不聞雪絃寂
寂網輕塵前年挾策走京洛相逢一一爲吾陳云是家藏
琴有四一有有元至正年間識蛟脣蛇腹鳳凰絲背篆猶
銜松雪字中抱泠泠太古心王孫秀邸寄愁深憑添南渡
滄桑感彈徹西臺慟哭音琴是人非歲復月浮雲柳絮飄
空澗縑素流傳半劫灰五百年來賸此物予愛琴德通琴
聲點點寒星纖指橫若將焦尾遙相贈便是中郎無限情
玉軫孤桐分一片柳家雙鎖人難見梅花淡月隔江南莫
負秋堂紅石薦

重過山人寓齋聽琴二首

積雨書堂悵離索披衣蹠屐出南郭入門狂叫呼主人貰

酒且來池上酌斯時新霽日未沈斜光弄竹如碎金熏鑪
裊烟石几淨爲我尊前調素琴之子磊落湖海士廣額修
眉美容止自言習此已卅年練心悟微元音始低徊按抑
去復留空山灌木鳴鈎輈白晝無人春壑綠上有太古飛
泉流音高調逸彈欲住游絲一縷縈飛絮漁舟款乃破煙
來搖過青山不知處

長風吹月挂秋城一絃一聲萬籟清花影上簾雲到竹石
堂悄悄微涼生有時宛似出塞曲征人夜向沙場宿陰山
夜半雪花飛鬼語咿嗷鬼鐙綠靜坐聞之忽慙然憶昔寒
山寺裏眠暗泉咽石蟲隱壁碧梧策策風窗前三境清幽
譜未得漫賦詩篇紀曩昔今日聞君山水音回首舊游如

夢隔鳴呼僕本愁人何足云君之妙藝世罕聞成連不作
叔夜死世間箏笛徒紛紛我今勸君一杯酒君文萬軸才
八斗賞音不遇蔡中郎請碎此琴君肯否

王石谷蘆江獨釣圖

江南八月蘆花肥水光風力相參差煙消樹碧天杳杳畫
長日暖晴霏霏駉然秋空豁望眼一一鴻雁東南飛九峯
高人理素絲蘭漿桂棹來遲遲青篛笠綠蓑衣釣竿欲拂
珊瑚枝身與浮雲無是非我獨何爲走路岐好山如畫將
無歸

下直同人遊檀栢寺

暮秋天氣易晴陰得暇因過祇樹林塔院曲廊隨磴轉禪

房清磬隔花深山禽避客黃塵面梵唄生人淨業心何日
盡訓身世事故鄉不少白雲岑

贈許鍊師

谷轉崖迴一水分院門深掩絕人羣爲栽丹桂鋤明月欲
補寒衣翦白雲輕騎但招松上鶴祕書不似世間文十洲
我亦曾遊者猶記題名向紫簪

屠維單閼

卮言十六首

女媧支紅鑪爲天親煉石地上缺限多未補殊可惜
東風吹凍消西風吹暑退惟有冬夏風但作炎涼態
陰陰雲一片四海望爲霖飄然旣出岫不得諉無心

后羿彎強弓九日並時墮卻容竊藥人安然月中坐
夸父渴死後日復從東至笑爾一何愚不知旋踵計
我聞太古初字形如鳥跡若將後世書蒼聖亦不識
陰陽惟兩端奇偶不數畫乾坤男女間重重多變卦
本草藥千名編嘗別其性而我笑神農無乃不病病
生而不遇時莫如我孔子未聞鳳凰來已見麒麟死
鉤以曲爲良矢以直爲善持此問蒙莊齊物焉致辨
倦向空山眠飢煮白石食如此爲神仙長生亦無味
清淺曲池水奔騰千仞湍驚風一搖蕩大小總波瀾
牛以祀天珍羊因告朔重騶虞雖至仁不合帝王用
激江三五夕驪龍驚月影競探不夜珠誰知同晝餅

春樹喚催耕秋階鳴促織區區蟲鳥情尙知急人急
對卷一慙然所憾早生我若後千百年異書應更夥

讀諸子詩十八首

下直歸偶于書肆購得子書十數種因每夜讀兩冊
一書竟卽係以詩非有心得也聊資談助而已

老子

道德五千言厥要在無競知雄翻守雌棄智兼絕聖元牝
存谷神芻狗喻百姓妙門示元元上德猶病病游龍信非
虛呼馬何妨應

關尹子

關尹所著書善能近取譬觀其四符篇義理一何邃五行

萬物機直可揭相示鏤塵思枉然擷影學終棄渾乎復洋
乎大道將來契

列子

恢詭復漫衍吾愛子列子力命一篇中深參造化理海鷗
機有無蕉鹿夢彼此泠然御風行去去伊胡底撻蓬語髑
髏爾我未生死

莊子

秦園有傲吏立論何譎詭蜚夢方俄然鵬翼幾千里烹鴈
異山木知魚樂濠水萬物齊不齊焉能究厥旨江湖浮瓠
檣天地猶稊米

管子

夷吾天下才經濟善率育觀其任政後好惡同於俗轉敗
以成功因禍而爲福牧民乘馬篇不厭屢反復三歸雖太
奢九合究堪錄

晏子春秋

彊識復博聞平仲殆天賦歷事靈莊景忠告期開悟得祿
每萬鍾持以給親故裘敝馬亦疲身不異寒素宜乎太史
公執鞭所欣慕

文子

跛鼈行不休千里終來反寸管若無當萬斛豈能滿我讀
文子書言近旨則遠不見古之人自立貴循本樹黍而獲
稷由來世所罕

孫子

旨哉行軍法廟算爲始計乃知操五勝尤須揆九地火攻
胡不仁行間是真智遺編披覽餘慙然懷軼事美人究何
辜殺之等兒戲

吳子

死母不奔喪殺妻以求將吳起猜忍人行事一何妄然其
制三軍穰苴豈多讓在德不在險斯言尤鯁諒料敵形勢
間廟士廟廷上

墨子

墨子之爲人兼愛乃素檢世譏節葬篇送終過崇儉視親
不若人厥過固難掩而我窺其意識奢莫防漸黼黻須文

章何必悲絲染

商子

馬遷云商君天資本刻薄悍然更舊章秦民悉不樂政成
國雖強時移禍亦作爲法適自敝窮途始知錯一狐腋可
珍六蝨名堪愕

鬼谷子

外篇有本經
陰符七篇

鬼谷究爲誰陰符最該治利害工揣摩陰陽善捭闔奧義
何眇眇飛箝復謀謀隱居戰國時卓然不可狎內視反聽
閒騰蛇以爲法

荀子

荀卿性惡論似深戾乎道世遂起相譏究亦不深考彼之

爲是言用以激末造試觀儒效篇四海置懷抱庥中蓬雖
微學者毋草草

韓非子

我讀韓非書不禁長太息明知說之難揣摩竭心力未曾
逆鱗嬰終罹毒藥阨何如謝塵鞅安往不自得風雨閉蓬
廬弦歌出金石

呂氏春秋

鑒遠而體周呂覽功用大乾坤窺端倪古今落欵唾當其
著書時未審誰參佐荀卿韓非間公然分一座笑語大賈
人真善居奇貨

黃石公素書

檏檏復梗梗乃所以立功孜孜更淑淑乃所以保終每三
復斯言冀以持眇躬誰知張子房與我意畧同未友赤松
子聊師黃石公

淮南子

八公大小山各集所聞見據異復搜奇出入經與傳每於
晴窗下焚香讀一卷叢叢義不窮亶亶意忘倦搜材來鄧
林游目向禹甸

揚子

子雲不曉事謫仙所深否迄今閱法言卑卑無足取是真
難蟲耳于辭賦何有尙能甘淡泊爲郎從白首我亦有奇
字惜無八載酒

暮春梁瑤峯修撰移居魏染衎衎相傳爲吳梅村
祭酒舊寓暇日同吳大鑑南過訪得詩四律奉

贈

鈴索丁東響玉堂閒中珥筆好風光飛英春老茶蘼架覓
句書翻玳瑁牀崔翰沾恩知制誥柳州報國在文章六銖
衣著輕寒甚攜得朝回滿袖香

侵簾草色綠堦除尙友何曾感索居蘇海韓潮期寸得曹
倉柳篋惜分餘三春櫻筍廚將過四月鶯花課漸疎差勝
酸寒孟東野寥寥家具少于車

清華江左盡聞聲祭酒當年最擅名故國鵲唳餘舊痛畫
梁燕壘又新營敦槃乍啟思前輩花木重栽悵隔生我是

隻東吟社客辦香私淑不勝情

鷓鴣鳴時換物華忽驚歲月客中加湘舉持節舉香草宮
體銷魂爲杏花視草清階慚予選穿楊妙手幾人誇餞春
無計畱春住柑酒攜來杜曲家

鍾馗詩題扇二首

研朱滴露細分明喜繪終葵古姓名科第舊傳唐進士衣
冠不改魯諸生百靈影遁雙眸炯五夜風清一劍橫憑仗
送窮還解祟金卮蒲酒話昇平

素練風霜却有神榴花紅照浴蘭辰奪標已負雲霄願作
戲偏儕傀儡身角黍堆盤陳九子錦花圍座歷三春勸君
飽食抑揄鬼一卷離騷弔楚人

初秋直園水閣夜坐偶成

池邊小閣啟窗紗
秋令雖行暑尙賒
照水螢孤星上下
受風蒲亂劍交加
路遙不阻還家夢
鐙暗知垂報喜花
清簾疎簾揮羽扇
坐看殘月向西斜

小師林漫興

卷簾微雨歇
支枕一編親
老石如先輩
秋花似麗人
觀心祛妄念
學道辟煩塵
此地平泉舊
豪門悟夙因

七夕

碧漢無聲帶影流
人間天上路悠悠
旅懷迢遞逢今夕
涼夢惺忪恰早秋
易遣銀河縈舊感
難將風露浣新愁
如何淡淡蛾眉月
依舊初更照畫樓

秋日送友之江右

秋階一葉下梧桐忽送行人逐斷鴻
小榻北窗琴與酒片帆南浦雨兼風
拈來險韻曾同賦占有奇才各自雄
相訂歸期君莫悞書堂簾外海棠紅

聖武遠揚平定回部西陲永靖大功告成恭紀

謹序

乾隆二十有四年歲次己卯十月朔之二十三日定
邊副將軍富德等以拔達山回部輸誠逆酋授首馳
露布以聞

皇帝陞殿受賀昭假

天

祖以告成功典禮昭湛恩周浹西陲之事大定

天命

皇上統一中外旄麾所向悉臣悉庭蠢茲大小和卓木者以額魯特俘囚餘虜背恩反噬恃其道遠逋誅負隅自固不得已再申

天討破羣疑

握乾斷

特命將軍兆惠等指授方畧舉兵徂征不五年而罪人斯得回鶻全部咸隸版圖於焉答

蒼旻之篤貺纘

烈祖之遺謨豐功偉烈亙古爲昭矣

小臣陪直

禁垣趨承機地謹作爲長歌以頌揚

鴻休其詩曰

惟

皇帝德彌遐荒丕廓王會開明堂手握軒鏡膺乾綱款關
萬國朝冠裳承平日久兵不用百二十年大一統內地妖
氛悉蕩除邊陲遺孽猶逋縱我

皇告

廟勤西征乘西撻伐伊犁平纘承

祖烈紹弓鼎準夷四部黃霾清馬前膜拜數十國首哈薩
克布魯特降書競獻貝多羅

天討直窮懸度阨將軍畧地蒙茸開版圖突過龍沙堆文
犀紕罽捧日至葡萄苜蓿朝天來二酋大小和卓木仰首

鳴號眈兩目

皇仁丕冒荷矜全

命釋其囚長其族無何阿逆橫披猖實作不靖搖邊疆豺
狼當關蜂鼠合背恩負德蟲沙颺邊書星夜飛章進

王赫斯怒雷出震牙帳高懸日月旗軍門疾捲風雲陣羣
謀築室徒徬徨全虜在目歸當陽王者有征而無戰泰山
壓卵良難當二酋凶德無厭極以賊助賊張虎翼

皇師再入撐犁庭餘燼重歸勃律側韜章不日馳邊隅銘
石永揭狼居胥詎茲回鶻逞狡悍螳臂忽復思當車爰易
將士整旗鼓義問重申不毛土惜哉專閫無良謀轉使跳
梁肆蠶午

天王戒日臨朝軒簡策大將清犁靳奇謀勝算親指畫環
珠口授三千言風徂雲捲勢交錯朝版一城夕一郭和闐
烏什盡歸誠豈有戰聲喧膈膊行師日夜艱長途卒不罷
勞馬不瘳乘虛猝發十萬弩狼沸豕突猿猱呼渡河半壁
忽遮截以寡敵衆誓死決孤堡堅持黑水津蠻刀爭舞陰
山穴羣狙跳躍張狂鋒歟驚野火連山紅將軍夜砍賊營
出桴鼓殷地聲礮礮雀鼠爭藏避鋒鏑如電掣雲風掃籊
彤矢交加霹靂飛凋戈橫掃欃槍落回兵重整阿克蘇前
茅後勁爭馳驅哈什哈葉爾奇木角之犄之銜枚趨二會
首尾不相顧先後遁逃如脫兔輜糧棄野慄有餘心膽墮
地驚無措三軍分道攢戈矛一覆再覆神姦收幕下生擒

九青兕帳前倒走千貔貅桓桓師旅虎力猛大者刳屠小
絕哽妻孥舊僕三百餘追奔入拔達山境山中部落亦狻
回銅鉦一擎天山摧呼降夾道帖首服木面爭獻殲渠魁
邊臣十日捷書至赤旗高颺馬蹄駛廿九臺前露布傳五
十國外星鑣吹丕承

武烈復在茲堂堂正正王人師仁者好生不好殺今不得
已而用之古者軍人苦行役不數十年兵不息陰霾宵捲
單于刀黃雲凍結蘭山戟矧茲回鶻披蠶叢人煙不與華
離通豎亥之足不可至大鳥之卵奚當供洮河夜走四百
騎角鬬紛來眼睜眙兩壁哨戰聲酣重圍衝突犀鋒利
至哉

廟算親焦勞太阿在手旄旌高奇師億萬自天降一戰而捷擒其梟清笳馬上歌聲起鞮鞢鞞弓房納矢恢恢拓地二萬餘樓指瓜期五年耳我

皇智勇開洪濛聲色不動揚膚公將兵將將運宸斷萬民安堵觀成功維

天眷

聖聖法

祖獻業鴻猷照寰宇顯揚

廟畧靖邊塵默相天兵耀神武

圖邱殷薦升椒香大德小德尊而光鞮鞢十部譜新曲廣樂具舉聲鏗鏘千官忭舞羅

丹陛請熙

鴻號崇嘉祀玉冊千秋煥武功金泥億代綿庥祉

皇心讓善吉語溫

母心亙古垂鴻坤遐哉

聖壽樂無極龍文上護

慈寧門

紫詰絲綸出

天賜恩光翔洽歡聲沸

鸞蹕親勞細柳軍虎臣特晉長松尉濡染

御筆輝瑤宮豐碑千丈庠蒼穹煌煌

駿業勒金石虎闈夜半騰蛟龍羣黎永戴

德汪濊好戢干戈負耜耒遙看犁雨遍休屠豈有風煙驚
海內諸軍散射各在郊春回盎盎祥風調赤刃不加冰雪
窟

皇圖鞏固崑崙尻

小臣

禁近侍朝夕欣瞻

膚略邁今昔願挽長河洗甲兵天門耿蕩朝陽晴

積雪寒甚夜坐至三鼓

薄寒庭院暗飛沙漠漠濃陰閃暮鴉一夜顛風重作雪亂
山何處不飛花靈珠落手鐙還翦碎玉敲櫺夢不譚擬向
小舟篷底臥江楓漁火便浮家

上章執徐

春朝

不分迎春怕送春，天涯時序逐年新。西垣初直纔臨亥，

乙亥年入直機地

北斗重回又指辰。愁酌屠蘇分歲酒，苦思風雨對

牀人。買船便擬江南去，一路看花採白蘋。

贈李念庵

燕市垂簾處，藏名幾十春。座中青眼客，堂上白頭人。知命卽能達，有書不算貧。如何煩伯樂，物色到風塵。

閒憩得石軒題句

熏鑪風定篆煙翻，冷宦常憐過客稀。三徑埽花香滿簾，空庭題竹粉黏衣。難消清晝惟拌睡，小夢寒山亦當歸。日暮疎簾渾不下，愛看雙燕往來飛。

憶五畝園

名園剛五畝風景果如何猿挂山窗樹禽窺花沼魚雲根
移白下詩體逼黃初自說幽棲慣人間懶報書

通州門人劉錫嘏編校

靈巖山人詩集卷十三

靈巖山人詩集目錄

第十四卷 古今體詩

閩風集

臚傳紀

恩四首

瓊林宴紀

恩四首

王坦庵獨立圖

得石軒前有太湖石四風霾塵垢積有年矣暇
日汲井泉洗之嵌空玲瓏爲石君復開生面
因係以詩用昌黎山石韻

晚出西直門至壽福禪林小憩

雨夜懷竹莊

于闐玉

夏日同劉學士

星煒

吳侍講

鴻

泛通惠河作

寓園遣興四首同雲松作

黑龍潭

憫忠寺

張吟香心鏡圖

友人以紈扇索畫爲寫幽蘭一叢並題

重光大荒落

友人將之江南詩以送之

春和公相四十壽讌詩

有序

遊昆明湖偶作

翰林院古藤歌

汪用明紅袖添香伴著書圖

題查查客竹溪垂綸圖三首

寄題黃丈野鴻山中別業

送延清三弟下第南歸三首

夜雨不寐懷延清弟

諸申之以龍井茶見惠作此奉謝用蘇文忠公

和錢安道寄惠建茶詩韻

題家可亭觀察蕉林揮麈圖

寄懷袁簡齋前輩

春和公子行贈傅大瑤林

月夜游法源寺

靈巖山人詩集卷十四

鎮洋畢沅秋帆

一字
蘧蘧

閬風集

臚傳紀

恩四首

仙樂鏗鉤霽景初五雲間闔敞

皇居同披毳褐朝

金闕先躡紅雲拜

玉虛下士忽登千佛首名山未竟十年書高遠雖已鴻飛
漸自顧爲儀倍凜如

宣豪江硯集承明思湧文慚翻水成敢冀茂才居異等恐

嘲名士總虛聲幸繙虎觀書應徧相對龍池骨亦清豈有
春城寒食句

九重何自識韓翃

主知特達謝圭璋柳染宮袍數異常溫飽毋求行易勉科
名不愧道爭光書生敢擅通經譽邊務虛叨對策詳

廷試卷
進呈

上 披閱經學屯田二策深蒙
嘉 遂拔置一甲第一

聖代崇儒兼奮武漫云報國僅文章

海上神山許寄栖故鄉幾日見金泥詩書少荷慈闈訓姓
字今叨

御筆題私愧名同

恩並麗敢言文與福俱齊退朝身率羣仙下回望層霄意

尙迷

瓊林宴紀

恩四首

簪花絕席有成規雲裏韶咸下玉墀彩仗忽傳

天使至上公親爲酌金卮

將士西征卸鐵衣武成宴罷接文闈虎頭主席金貂客定

遠新從絕域歸

時西域底定回部凱旋命武毅謀勇大將軍兆

上公主宴

禁柳籠烟覆玉池酒波紅映石榴枝廣筵叨飫

天廚饌莫忘空山畫粥時

是年改端午日殿試

龍頭人羨領羣仙文錦宮衣

錫九天莫訝舉朝名氏熟西清珥筆已多年

直機廷已五年矣

王坦庵獨立圖

冰綃圖幽姿風骨頗戍削飄然出世意瀟灑如野鶴九龍
山下人小小去採藥研精紫書奧逃名方技托偶攜瓢笠
遊蹤跡等行腳金銀融丹液靈丸盈祕橐妙術能合綜百
試無一錯嗟哉煩惱界彭和久不作桂辣甘草甜藥性味
參酌游戲判死生聚斂魂與魄惟子入神技指落病已霍
冥心追微茫肺腑洞橐籥抱茲濟世心身計轉寂寞活人
不望報爲善亦云樂清標頎而長瞥向畫圖索顧影劇自
憐勝衣體猶弱毋庸更點綴不必添邱壑負無依傍中奏
合淡與泊肘後方甚奇頰上豪可摸姓氏韓康同俛仰庶
無忤聖言不偏倚佛言無住著斯圖名獨立鄙意猶嫌鑿

得石軒前有太湖石四風霾塵垢積有年矣暇日
汲井泉洗之嵌空玲瓏爲石君復開生面因係
以詩用昌黎山石韻

太湖石色學翠微補天而賸屹不飛蒼苔繡澀古紋瘦老
榆虧蔽新綠肥長安石少卿相多海嶽仙去真賞稀瓊嵐
突兀鎖咫尺憑欄晤對忘朝饑所惜土蝕奧竅塞無有靈
氣生竹扉呼童汲泉泉溶溶書窗瞥見煙雲霏洞穴豈止
七十二千巖萬壑收徑圍銅瓶挹注百道落時有珠瀑濺
人衣塵棕擾擾歲復月嗟爾石丈亦受譏莫釐飄渺故鄉
去一棹扁舟歸不歸

晚出西直門至壽福禪林小憩

小車輦碯背城闌兩扇禪扉帶碧津素壁詩參三昧旨青
山寒對一僧貧華嚴法界當空現阿耨慈雲入定親解得
拈花微笑義佛堂撥火證前因

雨夜懷竹莊

聽此階前雨念彼天涯客欲裁篋中素寫寄書盈尺握筆
無所言臨風但默默雨歇下堦行蒼苔數履跡

于闐玉

蔥嶺天方外華滋產玉瑛雲根埋阻絕石髓結晶瑩瑰寶
寧淪劫璇源好洗兵虹流輝紫塞鴈磧洩青精琛賁通邊
貢共球遠

帝京堅剛符

睿斷廉折合夷情柔遠勲逾大披圖瑞畢呈

神謨鐫翠琬萬里紀西平

夏日同劉學士

星煒

吳侍講鴻泛通惠河作

輕舟初解纜高柳正鳴蟬
退訝窗前嶂搖驚水底天
逍遙同郭李指點話雲煙
何異橫塘路吳娘鳴鶯船

寓園遣興四首同雲松作

偶攜淵明詩池邊石上坐
每逢誦一篇首搖足亦簸
不意水中影一一形容我
凡我會心處彼亦若許可
正爾索解人世間惟子頗

偶來花徑遊須臾客壘至
因就松竹陰石上陳弈戲
文士忽英雄喜有用武地
居然一枰間各懷席捲志
屢競紅羊

劫未甘黑子棄兩雄不相下師行互無利斯時我在旁詢
我解圍計我但舉一子閒處爲安置亦知非要途儘可藉
聲勢笑問當局人君有如此未

侵晨喚奚奴汎埽書堂地庭梧葉盡凋簾櫳喜清霽紅日
尙未升肅肅含霜氣忽逢山鵲來一聲噪簷際急起向之
祝蒙汝不遐棄儻報佳客來否則吉事至望汝莫憚煩高
鳴復三四我言猶未終彼已振雙翅如學能詩人語含不
盡意

二客不期至書窗訴懷抱一願呼小龍耕煙種瑤草手拍
洪崖肩口噉安期棗清晨遊蒼梧黃昏宿蓬島一願居華
堂青年歌得寶白撰堆房廊明珠貯栲栳入則據南面出

則建大燾因問我何如我云不同道飢食紅稻飯寒襲青
寬襖有月夜眠遲有花朝起早時獲琴書歡而無離別惱
摩撫膝下兒刪定等身稿百年無疾終安然投富媼二客
相視笑庭柯日杲杲

黑龍潭

幽州大安山崔巍切雲端有龍破山頂直下山底眠山根
已窮盡莫測龍潭源潭空杳無際崖斷虛無邊四壁翠嶺
削一泓雲灣環俯憂坤軸弱仰笑天光慳沈沈浸太古星
辰倒影寒紅遲逗朝旭羲和繞危欄雷霆挾風雨咫尺波
瀾間逢時起倉卒列缺崩山顛非時寧螻屈垂首甘泥蟠
似聞至正年驕陽爲災愆五月至六月千里皆枯乾平章

有某公日夜心憂煎齋心禱潭上霹靂飛紅煙風雲四垂
合霏雨一朝溥龍迴人共仰夭矯空中縣豐碑紀靈蹟萬
口爲誇傳至今崇報賽歲歲申吉蠲父老爲我言神龍在
深淵龍飛倏千丈龍臥還依然功成而不居掉尾迴清湍
潛躍爲民生變化何其賢吾來值秋暮黃葉飛滿天惕惕
俯窅窅隱隱疑連蜷澄潭自杳渺空山自迷漫龍吟而雨
至寒風爲颭然

憫忠寺

幽州旃檀金滿地只數城南憫忠寺一坏香土重於山萬
里孤臣死猶未爲君太息言其事人代淒涼未可知見聞
脫漏粗堪記有唐貞觀十九年四月出師九月還爲憫東

征將士苦遺骸收葬城西偏又於此地建此寺寺名還以
憫忠傳傳聞寺中有高閣其高一握不及天有何天人忽
來此手攜一瓶舍利子自言此是釋迦形能使人天大歡
喜隋人失之唐得之金函玉匣藏寺裏會昌之末祿山亂
多寶沈埋舍利死於時亂臣史思明殺人媚佛求長生能
文誰者張不矜鋪張勲業誇工程靈芝之行書亦好手惜哉
於此畱其名穹碑大書寶塔頌陷文缺盡滋疑生嗚呼往
事都消歇古木寒煙自明滅碑版縱橫臥夕陽蟲聲嗚咽
啼殘月滄桑滿目空悲咤惟有當年謝文節白日猶懸司
戶名青山不改萋宏血先生遭際最可歎百煉千磨大節
完幾人慷慨生平負如此從容就義難吾來寺中秋已殘

蕭蕭木葉下庭闌傷心莫問前朝事揩眼重將青史看

張吟香心鏡圖

胸羅萬字滿月面白毫光旋鵝溪絹誰與爲此工形摹乃
我吟香居士心鏡圖圖成精爽透眉頰是時行年正三十
鏤玉雕瓊夙擅場江關詞賦空蕭瑟碧簫一卷手自刪白
雲白石伯仲間諦觀此圖畫舒卷心茫然豈真金粟如來
再世爲青蓮游戲三昧來人間朝朝斗酒詩百篇豈真維
摩病起厭文字拈花欲參天女禪并光全耀不分鐙萬千
豈真曉風殘月豔思綺語刻不盡寶樹顚顚湧現而騰合
欲于鏡也懺悔光明天嗚呼以鏡鏡心心不見以心鏡心
窮萬變是君非君我不辨君不聞安心本無境明鏡亦非

臺傳鐙心法何有哉當頭棒喝亟猛省心地迴看鏡虛靜
不然猶恐旁人錯認張三影

友人以紈扇索畫爲寫幽蘭一叢並題

本來與俗別寒暄只耐清閒不耐煩何況同心人落落自
應空谷淡無言

重光大荒落

友人將之江南詩以送之

半塘橋畔是儂家極目江鄉萬嶂遮寒夜雪花吹客夢關
心第一爲梅花

金閭春曉綠楊齊霧閣雲窗望欲迷恰恨亂鶯啼不住喚
回殘夢畫樓西

迢迢芳草送晴波腸斷吳娘白苧歌正是冶遊天氣好白蘋深處畫船多

舊院空傳長板橋登臨有客思無憀麗華祠畔青溪水暮雨聲聲送六朝

彈指番番花信通莫嫌多雨更多風畫圖一片迷離影半在湖山春雨中

寒鐙遠夢半依稀回首江關舊侶非不及社前雙燕子隨君帆影向南飛

桐花宵落讀書帷青壁茅齋歸計遲煩到靈巖傳一語山

人已負十年期

予童時讀書靈巖山山時本意十年作歸計今已逾期矣恐貽山靈騰笑耳

春和公相四十壽讌詩

有序

蓋開列宿經天寶布三階之位羣山奠地惟資八柱
之功尊彝登清廟之珍而稱華者瑚璉橐栴中明堂
之選而任重者棟梁維貞元當極盛之期斯喜起著
交孚之美恭惟公相圭璋毓秀黼黻儲猷傅野星高
獨受對揚之命虞廷日且長陳襄贊之謨公望攸歸
帝心是簡文通武達脩股肱耳目之司德懋才優兼師保
凝丞之寄廣甄陶于品類吐握爲懷資輔相于陰陽
經綸在手已著垂紳之度還傳振鉞之勲方玉帳之
初開正金川之就定車中羽扇同蜀相之平蠻道上
橐鞬陋唐臣之破蔡殊榮載錫

寵命頻申爰超五等之崇遂歷三司之貴於是均平國政

彌亮天工垂模楷於羣僚總紀綱於庶職傍鸞鏤之
肅穆每扈

金輿趨豹尾之雍容常依

玉案自遠塞行師之日迄遐方葢武之年開新畫之田疇
皆歸地版會大同之輶譯悉奉軍書莫不謹秉

宸謨深參

國計建非常之偉伐成不世之殊逢加以威畹清華闕門
貴顯銅駝公子多隨熊館之班鞋帶小侯復締

鳳樓之契里有鳴珂之號庭餘列戟之榮而更積慶穰穰
持盈抑抑有容乃大涵瀛海之汪洋無欲則公表崧
高之峻極入溫室而彌形其慎歷勲階而其識其謙

斯固記以旂常銘之鼎鼎者矣屬三微之肇祚欣四
秩之開祥響動仙韶聽徵琅璈之管香生法酒

賜來醺醪之杯朝端表淵岳之儀型海內指鳳麟之品望

沉鳳仰秉鈞之業會陪珥筆之行履令節而抒詞聊
引作朋於魯頌瞻崇班而誌惓庶徵平格於周書謹
爲詩十章以上

崔嵬崧嶽表生申柱石功名總少論紫極正環

天輔弼黃扉親捧

帝絲綸保衡正合符昌運揆覽偏宜協令辰肇歲

一人敷有慶喜分遐福逮元臣

冊府河山鐵券隆桓圭列爵 尊崇策勲首入淩煙譜宣

力親承捧日功亮采官兼虞百揆調元秋重漢三公
聖朝魚水真符契一德明良拜手同

蘭錡高門澤最長

天家肺腑屬椒房金張久識家聲貴韋杜還占相業昌繡
幘並趨光宅里絲鞭遙指午橋莊森森喬木連柯影領取
榮華傍

帝閭

禁幄從容獻替餘太常懋績不勝書三銓已典官曹秩九
式還司少府儲玉鉉有光占寶鼎金樞無缺莫皇輿雞翹
豹尾趨跼近歲歲花間扈

法車

叅謀密勿直機廷名冠璇屏十二屏

鳳閣班尊瞻氣象龍門地峻想儀型功存變理三才協道
在旬宣六宇寧斜日退朝花底散幅巾深坐許談經

直上螭頭曳履聲青霄百尺秉樞衡中朝盡仰元公業絕
微猶傳上相名廟節要符金劄直激心應並玉壺清蓬山
一路紅雲繞耶第閒時畫錦明

羽林上將領期門出入常看護

紫閣蓋擁黃龍陪彩仗筵開白獸引芳尊六符恰應天文
麗三接頻邀

帝語溫正是昇平多盛典蓼蕭湛露好承恩

浩蕩天聲疾似雷頻年西極捷書催威行萬窟通千部界

越河源畫九垓憶自中樞傳

詔出卽看異域獻俘來相臣實與籌邊議從此華夷重鼎
台

濟美箕裘不數逢鳳毛接武著勛庸請纓慣草師中檄投
甲初銷塞外鋒星漢召薨傳鵠鵲風雲浩蕩快乘龍絲蘿
喜托

蘭宮近早有丹誠荅

九重

上苑陽迴草木知恩光取次下丹墀仙家歲月添籌候
帝里功名補袞時啟沃好酬霖雨命賡颺遙拜慶雲詩堂
廉千載逢交泰長進春風九醞卮

遊昆明湖偶作

蓬島眼前落游仙夢清晝小步修隄上翻翻風滿袖綠涵
遠近村青映高低岫春深酒幔多苔古漁磯秀紫燕每雙
飛錦鱗時一逗波搖橋影曲浪漾天光皺丹青畫不成詩
句摹難就回首百花西雲中下宮漏

翰林院古藤歌

古藤未識何年物龜甲爲皮銅作骨千條百幹蟠苑牆玉
堂恍在蛟龍窟右側左敲形鬱盤碧雲萬片晴空攢悄悄
只益疏簾靜漠漠常生六月寒根近層霄雨露足離離縱
縱相纏束色接西山曉黛青痕連太液春波綠每值花時
最有情跼重萼疊彫寒瓊燄高峰蜨遠相避香重雲霞暗

自生大夫松與將軍樹於今搖落歸何處不及此藤鄰絳
霧長垂上古結繩文

汪用明紅袖添香伴著書圖

小閣桐陰覆畫闌鳴爐溫燼未挑殘妙香聞道心清候古
帖名花一樣看

棖觸心情憶往緣挑鐙重與拂芸箋烏絲紅袖揚州夢是
夢分明已十年

題查查客竹溪垂綸圖三首

查氏多詩人耳熟君名久澹蕩竹溪風長竿時落手忘機
境自佳得魚事亦偶煙波一釣徒不見初白叟

我愛侯叔起投竿赴沮洳取適非取魚忘筌理斯寓今人

志得魚臨淵老不悟欲魚須遠去總爲昌黎誤
人游世網外魚戲重淵中各自適所適以釣爲流通竹林
帶波綠蓼汀綴秋紅手持一竿釣目送青天鴻

寄題黃文野鴻山中別業

隔斷紅塵水石居閒愁不待酒消除茶煙白逗窗前竹松
影青浮几上書庭小尙堪容一鶴地偏無復望雙魚幾回
蘸筆揮蕉葉寄傲詩成逼古初

送延清三弟下第南歸三首

晨夕相依又兩年此時欲別倍潸然不知歸夢隨君去先
上吳淞第幾船

漫天離緒通宵滿明發臨歧無一言覺道年來長送別不

如此別最銷魂

一片南雲結暮陰孤鴻蹤跡杳難尋
旗亭玉笛吹楊柳落日愁心揚子深

夜雨不寐懷延清弟

深巷沈沈恰二更空廊風竹犬頻驚
孤燈未燼已無色急雨欲來先有聲
得盡眼前諸事廢不眠枕上數詩成
驚心忽念東歸客野店山橋日幾程

諸申之以龍井茶見惠作此奉謝用蘇文忠公和

錢安道寄惠建茶詩韻

生平白笑與俗違不嗜醇醪嗜佳茗
其中甘苦各有宜每憐此意無人省
吳甌代醉覓句嘗石鼎聚蚊憑几聽一飲

煩鬱頓消釋何異古琴能養性又如森然見君子邪念不
萌惟秉正回憶昔年山中居幽窗獨苦春晝永石銚甌鑪
菩薩泉謾謾松風活火猛依經煎喫草中英頓覺塵襟滌
頑憤啜久綠雲肌體清酌餘碧粉心源冷一朝不見晚甘
侯磊塊在胸如骨鯁故人知我有此癖雨前瑞草摘煙嶺
香菊包緘製造精頡頏龍團儕鳳餅入手更知珍重意題
記墨痕光炯炯速呼侍兒洗銀瓶汲取花間玉色井勝韻
清香絕世無佐我吟懷真厚倖休論醯鬼與交牀自有山
樽剗柳瘦

題家可亭觀察蕉林揮塵圖

晚涼雨歇半庭綠青羅扇扇如新沐蒲團趺坐塵尾揮變

相如來面如玉佛言是身如芭蕉中無有實本不牢我家
觀察拈妙諦掩關獨憩捐煩歆竹西春事匪所戀小園結
構連紅橋丈室清規十弓地偶現色相圖冰綃攜來寓耶
一展玩蕉林百本清風搖翠微何人飛玉屑塵尾蕉心對
披拂依稀懷素綠天庵彷彿王維剎川雪臥雲穩穩少風
波說夢紛紛有得失披圖飄瞥坐巖阿疎簾院落聲蕭瑟
繁華歷盡說枯禪瀹茗親烹第五泉小榻茶煙輕颺處心
情不似杜樊川

寄懷袁簡齋前輩

石堂燕寢簾垂晝吏隱能兼殆天授白袷常教紅粉扶元
關只許詩人叩春雲秋雨其分題六代湖山推領袖遙知

夢到西泠時月白山橋梅影瘦

春和公子行贈傅大瑤林

春和公子年十八奕葉家聲嗣黃閣萬里龍堆百戰歸勒
勲銅柱標沙漠少小趨庭跨彩蚪一枝玉樹倚瓊樓風流
傅粉何平叔穎悟吟棋李鄴侯清華戚畹承恩重侍中親
切新供奉豹尾螭頭扈

玉皇金貂殊錫增光寵是時西域未休兵參贊軍門任不
輕赦廣專征膺鐵券終軍弱冠請長纓面承

方畧申天討玉關一望無青草六月陰山霜雪飛偏師直
向中堅擣如何餘孽肆猖狂螳臂車前勢莫當四面妖氛
聚礮石十旬將士缺芻糧六軍陷陣陣如鐵雕弓無弦寶

刀折角吹空催白馬嘶戰酣渴飲黃獐血君家兄弟奮無
前十丈弧螯手自拏殺氣殷雷疑動地寒雲匝陣欲迷天
百萬賊兵如駭鹿樓蘭雜種悲巢覆拔達山高黑水深飛
章捷奏何神速歸來

召見明光宮寵冠期門七校中定遠虎頭開日域蕭郎鳳
吹引天風灼灼穠華紛欲舞紅窗翠館調鸚鵡明珠步障
七香車結契親藩隆祀數重疊恩光荷

紫宸榮華勲戚萃君身當朝師相調元化圖畫雲臺第一
人年來簪筆趨西內追陪我亦搖珥佩機地曾窺虎豹韜
綸扉喜逐鴛鴦隊勞君向我索詩述金管敷揚事豈誣衛
霍連鑣光史冊仲宣弱句費描摹君不見韋平世閥綿恩

澤赫奕朱門森畫戟易聞戚里擅豪華難得勲門保冲抑
愛君謙讓更風流白哲通侯今少儔將相生來原有種竚
看名氏覆金甌

月夜遊法源寺

寂寂山門掩綠蕪打鐘廊外佛鐙孤一庭涼月墮冰雪半
壁疎林入畫圖木榻經聲隨處有瓦盆菊種已全無此遊
便擬承天寺只少懷民執手俱

太倉門人王宸編校

靈巖山人詩集卷十四